

8  
1965

ნახ. ა. კანდელაკისა

№ 19 (1221) თბილისი ოქტომბერი 1965

# ნენსი

ქრონული  
გიორგიძე

გამოცემის 43-ე წელი. ფასი 20 კპ.



დედალი: სომ გეგის, თუშანიო, ზან კი, ზე ჟგელურო,  
- ჩემი ფასი არ იცოდო!

# საქართველში!

ეს ორპოლური სათაური შემდეგი გარემოების გამო წარმოიშვა: საქმე ეხება თბილისის ტყავის მე-2 ქარხანას, საიდანაც ხმა ჩვენს რედაქციასაც მოწვდა. დიან, ეს გახლავთ ჩვეულებრივი ქარხანა დირექტორით, ინჟინრებით, მუშებით, მანქანა-იარაღებითა და ყველა სხვა საჭირო მოწყობილობით. დღე-დღეს მიყვება, თვე-თვეს, საამქრო-საამქროს ეჭიბრება, გეგმა ყველასათვის კანონია... მაშ რა ნახა აქ ნიანგმა სანიანგო?

ყურადღება! გადმოგცემთ კრიტიკულ რეპორტაჟს:

1965 წელი. 6 თებერვალი. მნიშვნელოვანი მორღებლობა: ცივი ქარი. დამის სამი საათი. ქარხნის ტერიტორიაზე სველი ოპერაციების საამქროს მუშა შოთა ხიდეშელი და ცეცხლფარეში ბეკურაშვილი შეიბნენ, მიწას გააქონდა გრილი. მეორე დღეს ცეცხლფარეში ცეცხლს ჰყრიდა პირიდან: ხიდეშელი მკლავდაო. სველი ოპერაციების საამქროს მუშა კი მაინც მშრალად გამოვიდა, თუმცა იმ სიბნელეში ვინ გაარჩია მტყუნ-მართალი?

**დირექტორის რეპლიკა:** ხიდეშელმა ცემა ბეკურაშვილს და მერე თვითონ ჩაიბტვრია ნეკნები!

— რატომ მოხდა ჩხუბი? — ვეკითხებით დირექტორს.

— არ ვიცის დედა იცინოდაო, გაგიგონიათ?.. ჰოდა, არ ვიცი.

— რატომ იჩხუბეთ?.. ვეკითხებით თმაშევერცხლილ „ჭაბუკებს“.

— ერთმანეთს მკლავი გაფუსინჯეთ. „ბოროტი“ ენები კი ამბობენ ამ საქმეს ცუდი სუნი ასდიოდაო. დალაზეროს ეშმაკმა ზოგი დღემდე ვერ შეეჩვია ტყავის სუნს.

**4 სექტემბერი.** ქარხანაში არა ადგილკომის, არამედ დირექტორის ინიციატივით მოეწყო კოლექტიური სვლა... სანადიროდ.

**გამომძიებელი:** ჯიქიძემ დაცვის უფროსს სთხოვა მორიგეობიდან გაეთავისუფლებინა დარაჯი შ. სამყურაშვილი, რადგანაც მისი მანქანა სანადიროდ წასასვლელად სჭირდებოდა... აი, მონადირეებს კურდღელი წამოუხტათ.

მაშინვე ამოიღეს მიზანში. მაგრამ. ჰოი. საოცრებავ! ყურებცანცარა შედგა, მოტრილდა და თქვა: — მე რას მომდევთ, საკუთარ ტყავს გაუფრთხილდითო.

— რას მიედ-მოედები? — უყვირა დარაჯმა.

— სამყურაშვილო, ერთ ყურში მაინც შეუშვი ეს ჩემი რჩევა. ხარია ტყავები მიგიტოვებია, ჩემს ტყავს გაძოდევნებინართ, სადაური ტკუაა?

**შ. სამყურაშვილი** და მონადირეებმა როგორც ხანს, არც ერთ ყურში არ შეუშვეს ეს სიტყვები. ნადირობიდან დაბრუნებულებს კი ასეთი ამბავი დახვდათ: ქარხნის მუშებს კ. მარტიროსოვს, ჯ. ბაილაიას და ს. გალუჩიანს 1633 დეციმეტრი ტყავი წელზე შემოუტრავთ და დღისით, მზისით გაუტანიათ „მოსკვიჩ“ გრფ 31-24-ით (მძლოლი გ. ხაჩატროვი).

ასეთივე ნაქურდალი სახლშიაც აღმოაჩნდათ.

**5 სექტემბერი.** გრაფიკის მიხედვით კიროვის რაიონს სახალხო რაზმელეზად უნდა მოვლენოდა ტყავის მეორე ქარხნის ჯგუფი შტაბის უფროს ვ. ჯიქიძის მეთაურობით. მაგრამ, ამ დღეს, დირექტორს ქუჩაში წესრიგის დასამყარებლად არ ეცალა — კვლავ ჩიტებს დასდევდა ტყეში.

**8 სექტემბერი.** ქარხანაში, ნელელულის ოსტატ კრიჭაშვილის თვალწინ, ზედმეტი ტყავნედლეული შემოიტანეს. უნდა ვიფიქროთ, რომ ეს ზედმეტობა სახელმწიფო გეგმის გადაჭარბებით შესასრულებლად არ შემოუპარებიათ. ყოველ შემთხვევაში, კრიჭაშვილმა კრიჭა შეკრა და „თავმდაბლურად“ დუმს.

**11 სექტემბერი.** სანაცრე საამქროში ზედმეტი ხედლეული აღმოაჩინეს და ასე შემდეგ...

აი, მოკლედ ის კრიტიკული ქრონიკა, რომელიც ქარხნის ავკარგზე მეტყველებს.

ტყავის ქურდებს იმ ტყავს კი გააძრობენ, მაგრამ, საჭიროა სხვებიც გაუფრთხილდნენ ტყავს!



გაგზირიყვდი და, სხვათა რჩევი: სხვისი ახსნა-განმარტებით, თბილისური გარნიტორი შევიძინე განვადებით. ოჯახში რომ შევიტანე, ჯერ მეუღლე მეცა ყელში და კინაღამ განვადებით მეც გამგზავნეს მოუცვლელში. ცოლს სიღვდრეც წაეხმარა, სიღვდრს კიდევ — ცოლისდები, ვერაფრით ვერ გაგაჩუმე ეს უფასო „სოლისტები“. ზოგს ფერი არ მოეწონა, ზოგს ჯარვე და ზოგს საკვეტი, ცოლმა მითხრა: ასეთ საწოლს ვინ იკადრებს, ვლახის მეტი? დაწვექი და აჭრიჭინდა, მართლაც გული გამიწყალა, ცოლს და სიღვდრს ვინ დაქვებს, მეზობელიც გამიმწარა. მისმა წყვილამ თუ მიწია, ლოგინშივე გამაშემება, რამდენჯერაც ფეხს გაეანძრე, „სიკვდილი“ — მიდებუშებს. ქმარბიჭებში დაჩაგრული, ვინ დამწყველა დაბადებით, ლექსს გიტოვებთ სამახსოვროდ კაცულევი განვადებით.

ს. აბაიშვილი



ქიქას ქიქა მოჰყვა, მერე ჰინჭილებიც მოგვიტანეს და ღვინის ვეება კასრის ირგვლივ „სუფრული“ წამოვიწყეთ. ჩვენი მასპინძელი ჩიკორივით ტრიალებდა და მთავე კიტრსა და პომიდორს ტკბილი სიტყვებით გვთავაზობდა:


— მიირთვით, თქვენი ჰირიმი, გაამოთ!.. როცა საგრძნობლად შევზარხოვდი, ჩვენს ხელგაშლილ მასპინძელს საჩივრისა და წინადადებების წიგნი მოვთხოვეთ. გვიწოდოდა, გულუხვობისა და კეთილმომსახურებისათვის მადლობა ჩაგვეწერა.

მან მხრები აიჩეჩა, წიგნის ნაცვლად ღიმილი გვითავაზა და გვითხრა: სასაუზოზე საკუთარი ფირმისაა, ბიჭებო, და, სიტყვიერ მადლობასაც დიდი სიამოვნებით მივიღებ, ხომ გაგიგონიათ, სიტყვები ქრება და ნაწერი რჩებაო.

შიშით გადახედეთ ალექსი პავლიაშვილის ეზო-გარემოს, მაშინვე დავტოვეთ ალიხანის ქ. № 14-ში მდებარე „არალეგალური“ სასაუზო და ფიცი დავდეთ, ამ კაცის ღვაწლისათვის მზის შუქი მოგვეფინა.

სამწუხაროა, რომ დღემდე მისი საქმენი სანაქებონი ჩრდილშია და მისი სახელი ჯერ საკუთარი ეზოს ფარგლებსაც არ გასცილებია. თურმე, ალექსას ღუქანს წლების მანძილზე ძვრას ვერ უშვრებია. დავიჯეროთ, ჩვენამდე ეს „არალეგალური“ სასაუზო არავის არ შეუმჩნევია?!

ნახ. გ. ლომიძისა



ზარის წკრილი და კივილი ერთად გავიგონე.  
— აკოცე, ბიჭო, სისხლი და ხორცია შენი მიმადლო დედამ სტუმარზე.  
— ო, ჩემო ნინუცი, რა გამახარე! — წამართვა „მსხვერპლი“ მამაჩემმა და ახლა იმან ჩაიკრა გულში, როგორც იქნა, ვიჭერეთ გული სტუმრის ალერსით.

— აბა, ჩაი, ჩაი, დავეგვიანდა, ნინუცი, მოდი, გენაცვალე!  
— აბაბა, არა, შენი ჭირიმე, ნუ შეწყუხდებით, თქვენს საქმეს მისხედეთ, მე კი მოფულვი ჩემს თავს — გაგვრეკა ნინუციმ.  
..გულშიწინდელი ბორში მევლულებოდა სახლში და უხალისოდ მივადი-  
ჯებდი კბეებზე, უეტრად, საცდის სუნი შედგერა და კინაღამ წამაქცია. მამაჩემი არანაკლებ აღფრთოვანდა და ნინუცი შეაქო, დედამ კი ფერი დაჰკარგა.

— ჯერ რაც გეტონდა, ის გაგვეთავებინა...  
სუფრას მივუჭექეთ, ბორსს ოსწივარი ასდიოდა. ცხადია, ინდაურისა-  
კენ გავიწიე.  
— ეს სტუმარს! — გამაჩერა დედამ და მათლავა ბორში მომაჩეჩა, —  
ესეც მამაშემს.  
სამიფენი წველის ხერეპაში ვიყავით. ჩვენი სტუმარი კი მაღიანად შეექ-  
ცეოდა საცივს. თან გვაქებდა: გემო არა გაქვთ ქალაქლებს? გაცივდა  
ლომი, ბიჭო, შენც არ გიყვარს ინდაურის ხორცი? სოფელში მაინც არ  
იყო გაზრდილი?

— ვინ გითხრა, რომ არ უყვარს? დიხაც, უყვარს!  
— ველარ მოთბინა დედაჩემმა, — მაგრამ ყველაფერს  
თავისი დრო აქვს. — გადაკრა ორპირაგანად.  
ჩვენს სტუმარს ეს აინუნშიაც არ ჩაუგდია, თავისი  
ჩამოტანილის რეალიზაციით იყო გართული. გაცი-  
ვისაგან პირი დავადე, როდესაც ნინუციმ გაუგლეჯავი  
ბარკალი ძვლებიანად გადუძახა ყელში, გადუძახა და  
რაღაც არაბუნებრივად დაუტყვირა.  
— გინახავთ ამისთანა? — იტყა პირზე ხელი, —  
ათასში ერთხელ რაღაცას წაწიწიკნი და...  
წყალი მივამველე.


— დღეში ათ ლიტრა წყალს ვსვამ. რა მჭირს, ნე-  
ტავი? თავი მიბრუნის, მუხლები მიკანკალეს. სოფლის  
ექიმებს რომ ჰკითხო, არაფერი იყო.  
დედა სკამზე აწრიალდა.  
— მერე სად იყავი აქამდე? იქნება, სულაც არ  
გეტყვია ნიგვზიანი? ადექი, გასინჯე, უშველე! — სკა-  
მიანად წამოაფლო მამა.  
შუალამისას მათმა ჩურჩულმა გამომადვიდა:  
— შენი მამიდამვილია თუ ყვავიწიკვისმამიდა,  
აქედან მომამოხრე!  
— რა ექნა, ქალო? ჯანმრთელია და...  
— რა გაუძლებს მამას? მის ჩამოტანილს ვინ და-  
ეძებს, მეც შემჭამს.  
დილით დედამ ნინუცის ლუცმა პირიდან გამო-  
გლოჯა:

— არ გეტყვია, სისხლი უზომოზე უნდა ავიღო!  
სადილად სტუმარ-მასპინძლები კვლავ შევიყარე-  
ნით. სუფრაზე გამომწვევად იკრებებოდა შამფურზე  
შემწვარი გოჭი. (ესეც ნინუცის მართლთაი გახლდათ).  
ღამით ისევ ჩურჩულმა გამადვიდა:  
— ვერ ვიტყვი ტყუილს, შარდოც სუფთა აქვს და  
სისხლიც, მგელივითაა! — იყვირა მამაჩემმა.  
ალიონზე დედა ისევ წამოაღდა თავზე სტუმარს.  
— ნინუცი, ადექი, გენაცვალე, მისხედე თავს!  
— რაო? რა ამბავია? — წამოხტა ლოვინიდან  
გაბრუებული ნინუცი.  
— ისეთი არაფერი, შაქარი დაგვროვებია.  
— შაქარი? ეშველება მერე მამას?  
— დიეტა უნდა დაიცვა, მკაცრი დიეტა!  
— დიეტა რა ჯანდაბაა?  
— დიეტა უცხო სიტყვაა, ნიშნავს შიმშილს, ნა-  
ლებდა უნდა ჰქამო.  
— მაინც რა არ მეტყვია?  
— რა და ტკბილი არ გეტყვია, ჩემო კარგო, არც  
მწარე, სიროფიანი წყალი არ გეტყვია, ღვინო არ  
ღალიო, ხორცი არ გეტყვია, მწვანელიულობას მიე-  
ძალე, რაე და ხაჭო მისწრებაა.  
— ტყემალი და ღომი? — იკითხა შემფთოებულმა  
ნინუციმ.  
— ღომი? აჰ-აჰ! ღომი არავითარ შემთხვევაში  
(დედაჩემი წისქვილზე ჩამოფეკილი ღერღილისათვის  
ემშაქს გაატანს სულს).

— ნენა, ნენა! ტკბილი არ გჭამო, მწარე არ ვჭამო!  
ქლექი მაინც გამჩენოდა, მძილარი მოგვედებოდა! —  
ატირდა ნინუცი.  
სალამოს კალთა ჩამოვახიეთ ნინუცის. აღარ დაი-  
ცადა. ორი კვირის შემდეგ კი კვლავ გავგვასენა თავი.  
ბარათი და პატარა „მანათი“ გამოგვიგზავნა. დედამ  
წერის გადგავილო თვალი.  
„ჩემო ძამიკო, აქაური ექიმები ისევ თავისას გაი-  
ძახიან, არც შაქარი გაქვს, არც მარილიო. შარდს გიგ-  
ზავნი სახალიზოდ. მიდედეშე. თუ საჭიროა, ჩამოვალ“.

დედამ ბოთლი ფანჯრიდან ეზოში გადაუშვა და  
— ღვა დედეშა აფრინა სოფელში: „ჩამოსვლა საჭირო  
არ არის, შაქარი არ აღმოგაჩნდა. ჰქამე, რაც გინდა“.

3. ძალღან



— ალბათ, მთვრალია!  
— არა, ფეხბურთელია, „ფინტაზა“ მარჯობს.

# სტუმარი

ამბის მომტანი ამბის მიმტანიც არისო.  
შენახულმა ტანსაცმელმა თქვა: რა უსტრგებლოდ ვცდვებით.  
შაქარმა თქვა: თავლიც და ღვინოც ჩემი სათრევი გახდაო.  
საქმემ თქვა: ვინც გამაყუთებს, იმას ვაფაქუთებო.

### ა. კორინთელი

წიფნი იოლად იყო დაწერილი, ძნელად კი იკითხებოდა.  
თუ სინდისი საწყობზე დადეს, მის აწონას აწირა აღარა აქვს.  
თავდასულობა სულაც არ ნიშნავს თავში გასვლას.  
ღრთ ყველაზე ადრე მას ჰკლავს, ვინც მის მოკვლაზე ფიქრობს.  
მთავარე ყველა სიყვარულის მოწმეა, მაგრამ გაყრის დროს მოწმედ არ გამო-  
დგება.  
ნაშრომის წყალში გადაყრა ეპატიება მართო სელექციონერს, რომელმაც თევ-  
ზის ახალი ჯიშის გამოიყვანა.  
ქალს რომ სიყვარული მოაცილო, მართო კაბა დაჩრება.  
როცა ცოლ-ქმარს შორის უსიამოვნების მიზეზი მეორე ნახევარია, მაშინ ძნე-  
ლია გაარკვიო, რომელია პირველი ნახევარი.

### ბ. ბახტაძე

მესამძრე საწყობის ვამბედ დანიშნეს და მოკლე ხანში ყველაფერი გააქრო.  
ჯიშზე წასწრებულმა თავის მართლმბა დაიწყო: ხელს ვითბობდიო.  
თეატრის დირექტორს შეეკითხნენ, როგორ მიდის საქმეო და წარმოდგენა არ  
მაქვსო.

### ვ. კასრაძე


**ქონდა?**

მიმდინარე წლის „ნიანგის“ მერვე ნომერში ორჯონიკიძის რაიონის სოფელ თეთრაწყაროს სპორტული ახალგაზრდობის ინტერესებისათვის გაგვაკრიტიკეთ კოლმეურნეობის შესვენებები:

„ჰქონდა სიგრძე, ჰქონდა განი,  
გვქონდა ბურთის მოედანი.  
კარგი მიწა არის აქო  
და გარდაქმნეს სამოსახლოდ“—ო.

ბიჭებს ფრთა შეასხა ჩვენმა მხარდაჭერამ და ფრენბურთის ბადე გაჭიმეს ფრენბურთის მოედანზე, აქ მაინც დაგვაყენებენო.

ნათქვამია, კრიტიკა შეცდომებს ასწორებსო, კოლმეურნეობის თავმჯდომარე ირაკლი მანჯავიძემ შეცდომების გასწორება ჩვენი კრიტიკისა და ფრენბურთის ბადის მიწასთან გასწორებით დაიწყო — არც ფეხბურთი, არც ფრენბურთი და, საერთოდ, არავითარი ბურთი! აგერაა ყანა, ესაა თქვენი ბურთიცა და მოედანიცო.



ერთი სიტყვით, ფრენბურთის მოედანიც გვჭირდებაო, შემოუთვალეს სოფლის ფიზკულტურელებს. თავიდან ბიჭები ყოჩაღად დადგნენ — ცოცხალი თავით არ დავთმობთო. მაგრამ, ხომ გაგიგონიათ „ხერხი სჯობია ღონესაო...“ მართლაც, ხერხი ანაცვალეს ღონეს, ასე ვთქვათ, ხერხი იხმარეს, ფრენბურთის ბადის ადგილზე სახერხი დაზგა გამართეს, რის შესახებაც კვლავ გულის ტკივილით მოგვწერეს თეთრაწყაროელებმა.

**წყალობა ვიკუვას, ციციხელა მაცაღაია...**

- ალო, მორიგე ხარ?
- გახლავართ!
- მერე, ქალო, როდემდე ვიარო ასე წვერგაბურძენილმა, კინომსახიობივით?
- ეს „ტუესია“, ბატონო, გეშლებათ!
- უყურე ამას!...
- აბა, რა, ბატონო, ინდოელი რაჯებივით სახლში გეწვიოთ და გაგპარსოთ?
- გაპარსვა მეც კი ვიცი, შენ დენი გამოუშვი.
- გამოუშვა, რავა, დაბმული კი არა მყავს! ერთხელაც „ბუზოპსნით“ გაიპარსე, არაფერი გიჭირს.

- ენა ნუ გაგიტყეკია, ქალო, ამას მეც მივხვდებოდი, წყალი რომ იყოს!
- ჰოდა, წყალსადენში დარგვე, ჩვენ რას გადაგვეკიდე!
- რაო?
- ტუ-ტუ-ტუ.
- ალო, წყალსადენია?
- ნამდვილად!
- მერე, წყალს რომ მიაქვს ცა და მიწა, ჩვენთან რატომ არ უშვებთ, თქვენ გაგიჩნდათ წყალმანკი!

ნახ. ზ. ლონიძის



ნატოს მრავალმხრივი ატომური ძალების შექმნის გეგმა დასავლეთგერმანელ რევანშისტებს პირდაპირ გზას უხსნის ატომური იარაღისაკენ.


„მრავალმხრივი“ გეგმის ერთი მხარე

- რა უწყალოდ იწყევლები, შე კაცო, რა მოხდა?
- რა მოხდა და სამსახურში უნდა წავიდე!
- წადი, მერე, რავა, გემი ხომ არ გინდა მოგაყენოთ?
- დელიუპეთ, თქვე გლახებო, გუმის საყოფს კი არა, გასაპარს წყალს არ იმეტებო.
- აჰ, გასაპარსი წყალი არ გაქვთ? ახლა ვილა იპარსავს დანით. გეყიდა ერთი „ხარკოვი“ და...
- ერთი კი არა, ორი მაქვს, მაგრამ დენი არაა.
- ყველაფერი მოშლილია თქვენს სახლში?
- კაციან-ქალიანად — ყველაფერი.
- ტელეფონი ხომ მუშაობს?
- კი!
- ჰოდა, რვეე და იყავი!

ბოშია წარბა

# ყველაზე დიდი ღილაკი

ღამეა, ქურდს რომ უნდა, სწორედ ისეთი.  
რა თქმა უნდა, ყველას არ სძინავს.



ახლა დღე რომ იყოს, ყველა დაინახავდა, როგორ ლივლივებს პაერში აგვისტოს უსაშველო ხეატი, მაგრამ ღამეა და, ხეატს კი არა, იმასაც ვერ ხედავს ვერავინ, რომ სახლისაკენ მოიბარება გვიანი, ძალიან გვიანი მგზავრი. რა ჩაიღინა მან ისეთი, თავის ფეხის ხმაზეც რომ აკანკალებს?  
აი, ფრთხილად შევიდა იგი ეზოში, უორნამენტო ლოდქვეშ გადამალული

გასაღები გამოიღო. სადარბაზოს კარს კრიმინალისტური სიზუსტით მოარგო და გადატრიალებას აპირებდა, რომ უეცრად მოესმა ცივი, ამზრზენი, გულისშემწუნებელი, მაგრამ მაინც არაპროფესიონალი ბანდიტის ხმა:

— არ გაინძრე, თორემ გესვრი!  
— სროლის შემდეგ შეიძლება გავინძრე?  
— მე არ მეხუმრება! — უთხრა უცნობმა და რომელიღაც ცხელი იარაღის ლულა შუბლზე მიაღო. მგზავრს ცხელი იარაღის ლულა ცივი ეჩვენა, იგი მორჩილად შეუდგა მაცის საათის შეხსნას და ჯიბეების ქექვას, მაგრამ, აი, საქმე: მძარცველმა ყველაფერი უკან გადმოუყარა. შარვალი იარაღის ტუჩით აიღო და დედინობილია მსხვერპლს ზიზღით უთხრა:  
— ჩაიცვი!



„ფული არ უნდა, ტანსაცმელი არ უნდა, ეტყობა, მოსაკლავად მომიგზავნეს!“ — ფიქრობს მგზავრი. მხოლოდ ფიქრობს, რადგანაც ეჩვენება, რომ შიშისგან ენა ჩაუვარდა.  
— არ მესროლო და სანადიროდ უცნობი დღემს.  
— არ მესროლო და დისერტაციას დაგიწერ, ხარისხს მივალე ბინებ, სასამართლოში მოწმედ დაგიდგები.




— აი რა! — კბილებში სტრის უცნობი და ჩახმას ფეხზე აყენებს. — სიცოცხლის შენარჩუნების ერთადერთი გზა გაქვს: ხეალ გაბარებს ჩემი შვილი, — მათემატიკა წერა, ჯგუფის ნომერი 123, ხეალ, 3 საათზე!  
მგზავრი ჩაფიქრდა, ქუდი მოიხადა, საყულო შეიხსნა, მოცელივით მიეყრდნო კედელს და ოდნავ ყრუდ, მაგრამ მტკიცე გადაწყვეტილებით ამოღებდა!  
— მესროლე!  
**რ. მიშველაძე**

ზაფხულის მზე ისე იცინოდა, თითქოს საშემოდგომო გამოცდა ჩაბარებული ჰქონდა. ლურჯცხვირა მესაფლავე თავისი ხელით გათხრილ სამარეში მხარეთმცოდნე იწვა. თავს ვიღაცა წამოაღდა.  
— აბა, ქვეთარი და, თუ ძმა ხარ, კარგი საფლავე გამითხარე!  
— შენთვის გინდა?  
— არა, ბაბუაჩემისთვის.  
— ერთ თვეში გამოიარე.  
— ხომ არ გაგიჟდი, ერთი თვე როგორ შევიანასო მიცვალებული?  
— შევიანასო, შენც კარაქსა და ხიზილალს გთხოვს? იღოს თავისთვის, რას გიშლის?  
მიცვალებულის პატრონი მიხვდა, რომ სამი თვის ამოძრავება იყო საჭირო.  
— გზისპირას მოვახერხებ რამეს, მაალვე იქნება მზად.



— გზისპირას როგორ დავმარხავ მიცვალებულს?  
— ვინ მოგპარავს?  
ძალიან ეზარებოდა დასარალებულს სამი თვის ხელახლა ამოძრავება, მაგრამ, რას გააწყობდა?! მესამე დღეს მიცვალებული ისეთ ადგილას დაიმარხა, უკეთესს ვერ ინატრებდა კაცი.

მისი დამარხვიდან რამდენიმე წუთის შემდეგ საფლავეში ასეთი დიალოგი გაიმართა:  
— რომელი ხარ, რომ მწვებო შესულთამხუთავო?  
— შენ თვითონ ვინა ხარ, რა გინდა ჩემს საფლავეში?  
— მე უკვე ოცი წელია აქ ვწვეარ და საფლავეშიც აღარ მაყენებ?  
— მოითმინეთ, ამხანაგო, მოითმინეთ! რატომ ცხარობთ? ბედმა სამუდამოდ შეგვეყარა, ტკბილად უნდა ვიცხოვროთ.  
— შენ ეს მითხარი, ღამე ხომ არ ხვრინავ?  
— ვხვრინავდი გვარიანად, მაგრამ ვინ დამაცალა, გადამაჩვიეს.  
— ეგ კარგი უქნიათ! ვინ ხარ შენ, რას საქმიანობდი ზევით?  
— ექიმო ვიყავი, ექიმო.  
— აიბოლიტი?  
— აიბოლიტი კი არა და ტომ სოიერი არ გინდა?! ქირურგი ქორიძე ვარ.  
— შე კაცო, ამ ოცი წლის წინ შენ არ გამიკეთე ოპერაცია?  
— მე გაგიკეთე!.. ისე რაფა ხარ აქლა?  
— გმადლობთ, ექიმო, აღარც კუჭი მტკიავა და აღარც თორმეტოჯა ნაწლაფი.  
— ნუ გეშინია, თუ წამოგტკივდეს რამე, ავერ ვარ.  
— რას მაშინებ, ექიმო, ამაზე მეტს რაღას მიზამ? გამომართვი ეს მაკრატელი!  
— რა მაკრატელია ეს?  
— კუჭში რომ ჩამიტოვე ოპერაციის დროს, არ გახსოვს?  
— დედა, დედა, დედა! რაც მე ეს მაკრატელი ვეძებე, კუჭში თუ გქონდა, ვერ მითხარი?  
— მაკალე თუ!.. ისე, როგორი შეხვედრა მოგიწყო იმ მესაფლავემ.  
— შენც იმან დაგმარხა?  
— მეც იმან დამმარხა და ჩემს ქვემოთ რომ არის, ისიც.  
— შენს ქვემოთ კიდევ არის ვინმე?.. ჯოჯოხეთში მოგხვედრილვარ!  
**ბ. მახვილაძე**




დასაწყისი წესი

მიხო დირექტორად დასვეს, ალბათ, „დამხასურებით“, დალოცეს და ადღეგრძელებს თასებით და ჭურებით მეორე დღეს ვიღაც რქავს:  
— ვინ ბრძანდებით? — ფაცია! და ერთბაშად სამხასურში ატყუდა გაწამაწია.  
— შენთან ისიღორე მოვა, მამაჩემის კაცია, რამე ადგილი უშოვე, არც თუ ისე პაწია.  
ნიკას მოხსნი, მის ადგილას დასვამ ჩემს ძმა ჭიჭიკოს, მიტო მოვა, ფერმის გამგედ განა არ ჯობს ის იყოს?  
— რა ექნა, ქალო, ნუ გგონია სხვების მოხსნა ადვილი, შესაცვლელი დარჩა მხოლოდ თვითონ ჩემი ადგილი!  
**დ. ასკურავა**


ნახ. ჯ. ლოლუასი




— რომ ევეღლები ღმერთს, კარგი ფახსაცემელი მა-  
შოვნიანო, ვერ ხელავ თვითონაც ფახიოვებლასა?!




უახსევან უახსევანედა



— კერძო ეჭიფს მიხართოთ,  
საბარანტიო ვალა გასული  
გაჭვოთ.



სიუვარულის ახსნა.



— რატომ უორღებით ერთმანეთს?  
— ღებალევი ვერ ავაფუთ.

ნახ. ზ. ფირცხალავასი



— ცოტაც, შვილო, და საფუზიღოგოს გაგიყვანა!

ნახ. ჯ. ლოლუასი



— რატომ აქლავ გავშვს კაპიროსს?  
— კანფების ჭამას მინდა გადავაჩვიო!

### ბებია მყავდა

ბებია მყავდა ას რვა წლის, ას ცხრა არ გადავეხვალა, ისე მოყვდა და დაემარტო, პირზე ღიმილი ეხატა. ქელუხიც გადაეუხადე, ვერ შევიტყვერდი კაცობას. იმდენი ხალხი მოაწყდა, „ანშოავი“ ჰქონდა საცოდავს. ას ოცი კაცი დაეთვალეთ, როცა დასხდნენ და დალაგდნენ, კედლებს ბათქაში ჩამოტყდა, ერთად რომ ალაპარაკდნენ. „რა ერქვა იმ ცხინველსო“, — ზრდილობისათვის იკითხეს, მერე მავიდრა გაძლოლა სულ უცნობეში იკისრეს. შეავსეს ჩაის ქიქები, ყაჩუღები მოიშველიეს, საწყალი ბებიაჩენი, რად აღარ მოიხსენეს. ისე აქვს და აღიდეს, გულეტი ავციტხაცანეს, აქეთ „მაცურული“ დაიწყეს, იქით „ლაშქრული“ დასძახეს. არ დარჩათ არცა სიმღერა, არც ცეკვა „ხაქურთხ-უკურთხი“, ვიღაცა, გაშლილ სუფრასე შემობტა „ფარცა-ქუჭუთი“. თქმადაც გაჭირვებულა, ჩემს სიღღრეს გვერდით მოუყდა, „მაღლა თუ ვიხე ცნობრობსო“, (დამბახის სროლა მოუხდა). ერთი ვთქვი: „სირცხვილია-თქო“, „პაა მავასო“ — დამძახეს, ჩემს სახლში, ჩემს პურ-მარილზე სიღღრის თვალწინ გაშლახეს. ცოტა ხნით გარეთ გაშვდეს, სუფრასე აღარ დამიშვეს, მაგია ამიტრიალეს და გამაქურტველი დამიფშვეს. სულ ამოჯანყეს ესომი მამებარ-მეგინებელი, ვიღაცამ მომიბრაზუნა: „რა გახდა შენი ბებერი?“ კაცობაზე რომ თავს ეღებდი, სირცხვილი ვქაძე როგორი? ვერ ეს სიკვდილი შეჩვევდეს, მერე ქელუხის მომგონი.

გ. ჩიჭვილიძე.

### „ქაქა“ და „ქაქა“!

წესი + რიგი = წესრიგს.  
ჩასვით წესი ბრჭყალებში, მოშალეთ რიგი = უწესრიგობას.  
დამატებითი კითხვა: რაზეა აქ ლაპარაკი?  
— მართლაც და, რა არის აქ სალაპარაკო? წლების მანძილზე ჩვენთან ეს წესია გაბატონებული, — ამბობს პირგამეხებული, შიგადაშიგ თეთრსალათიანი და ხელში სამართებელს ატრიალებს. ცივი იარაღი — დანა ხელში აქვს, ცეცხლმსროლელი იარაღი — ენა პირში, მოდი და გაუბეღე პასუხი — დანა კბილს არ მიხსნის.  
საქმე ეხება „წვრილმანს“: ადამიანის მომსახურების კულტურას, ამიტომ ამიტანა წერამ და გამაბეღინა დანაამოღებულ კაცთან შელაპარაკება.  
გაგონილს თვალთ ნახული ჯობია. საკუთარი თვალთ დაინახე და, ჩვენს შორის რომ არ დარჩეს, საქვეყნოდ ვაცხადებ: ჩემი მეზობელი, ხარტონ ფულარია, კაპიტალისტური გადმონაშთია. საბუთი: კერძო საკუთრებაზე გი-

ჟღება. კერძოდ? აქვს: საკუთარი სახლი, საკუთარი აგარაკი, საკუთარი მანქანა; ჰყავს: პირადი მდივანი, პირადი მძღოლი, პირადი მექისე და ასევე პირადი დალაქი... რა ვიცი? სამსახურშიც მინახავს, აბანოშიც გამოჩნდა ეს და, აგერ სადალაქოშიც... უცდით, ჩემო ბატონო, მე და მისი დალაქი მის უკეთურმოხილებას.  
... ამ ცოტა ხნის წინ ამხანაგი შემხვდა ქუჩაში, „პარიკმასერი დაგეძებსო“ (ამას ჩვენში წვერგაუპარსავ კაცს ეტყვიან).  
ორი საათი ვიძინ-ვიფხიზლე სადალაქოში. გამოვინია, „ვინ მკითხულობს, ვინ დამეძებს, ვის ვუყვარვარ მე... მოდი ხმა გამე!“ — ერთხანს ლექსით გავირთე თავი, ბოლოს წამოშედა:  
— როდემდე ვიჯდე ასე?  
— თქვენ ვისთან იპარსავთ?  
— სულ ერთია.  
— სულ ერთი თუა, ჩვენთვისაც სულ ერთია, ჩვენ ჩვენს კლიენტებს ველოდებით.

— მე ვისი ვარ?  
— შენ ცოლ-შვილს მოგახმაროს ღმერთმა.  
— რას ჰქვია, ღმერთო მოგალი, მე კაცი ვარ, თუ...  
— ეგ მამაშენისთვის უნდა გვეითხა ბავშვობაში, — გამეხუმრა, — ამ ხალხს რომ უყურებ, ყველას საკუთარი დალაქი ჰყავს, მეც ჩემს შეფს ველოდები.  
სწორედ ამ დროს, საზამთროსავით შემოვთრდა ჩემი მეზობელი ხარტონ ფულარია, ცნობისმოყვარედ შემომხედა და სავარძელში ჩაეშვა.  
— ასეთია ჩვენთან წესი.  
— ამიტომ არ არსებობს ჩვენთან რიგი.  
— მერე ეს არის წესრიგი? — ვთქვი მე, — სადაა ცოცხალი რიგი?  
— ახლა ცოცხალი მომთხოვე სადალაქოში!  
ძლივს შევიკავე თავი. საკუთარი დალაქების მოლოდინში შედიდურად გაბღინებული კლიენტები თავშეუკავებლად ტრაბახობდნენ, იგონებდნენ და ჩმასავდნენ რაღაც ბატონკაცებს:  
— ერთი თვის გაუპარსავიც რომ ვიყო, სხვაგან ვერ წავალ.  
— წარმიდგინეთ, ახლა შეგებულებაში ვარ და თბილისიდან ვერ წავსულვარ ჩემი წვერის გადამიღე. ჩემი დალაქის გარდა, სხვას ვერ ვენდობი.  
— თქვენ შეგებულებაზე ლაპარაკობთ და მე ახლა, რომ იცოდეთ, მივლინებაში ვარ თბილისში... — და არტყა მესამემ.  
— ეს როგორ?  
— წვერის გასაპარსად ჩამოვედი დალაქთან. გაპარსვისთანავე უკან ვბრუნდები.  
— აგერ ჩემმა მეზობელმა ოთხი ცოლი გამოიცვალა ერთი დალაქის გულისთვის! — აუბა მხარი მეზობელმა.  
— კაცო, მაგი საყვარელი ყოფილა.  
— მე ჯერ წვერი არ მაქვს, მაგრამ, როცა ამომიგა, სულ აქ ვივლი! — წამოიყვია პირტიტველა ყმაწვილმა და კაცებში გაერია.  
არ გჯერათ? არც მე მჯეროდა. მიბრძანდით სასტუმრო „თბილისის“ კომფორტულ სადალაქოში და კარებთან აიტუსეთ, მსგავს აბდაუბდას ყოველთვის გაიგონებთ.  
ასეთი მდგომარეობა თურმე სხვაგანაც, რაც მოუთმენელია, რაზედაც ხელს ვაწერ:

გ. წვარავა



უეცარმა სიკვდილმა ხელიდან გამოგვაცალა ჩვენი უურნალის პასუხისმგებელი მდივანი, შესანიშნავი მწერალი და მოქალაქე, მთარგმნელი და უურნალისტი მოსე იაკობის ძე ქარჩავა.  
აღარ არის ჩვენს შორის ძვირფასი მეგობარი, დიდბუნებოვანი ადამიანი, ყველგან და ყოველთვის გულისხმიერი და დაუზარებელი, ქველსათვის მზრუნველი და თავდადებული, სპეტაკი სულისა და კეთილშობილი გულის პატრონი, ქვემარტივი მამულიშვილი.  
თვალწინ გვიდგას იგი — სახეზე კეთილ დიმიტრადიფენილი, ტკბილმოუბარი, დახმარებისთვის მუდამ ხელის გამოწოდებელი, ოდნავ ნაღვლიანი... მოსეს მაძიებელი შემოქმედებითი ბუნება, დიდი ინტელექტი, ფაქიზი ლიტერატურული გემოვნება და ფართო ერუდიცია თანაბრად მუდავნდებოდა როგორც საკუთარ, ასევე მის მიერ თარგმნილ ნაწარმოებებში. ჩვენს მთარგმნელობით ლიტერატურას ყოველთვის დამშვენებს შექსპირის, შოპენის, ბაირონის, უიტმენის, შოუს, სვიფტის, ლონდონის, ჰემინგუეის, დრაიფერისა და სხვათა ნაწარმოებები, რომლებიც მან ასე შესანიშნავად თარგმნა ინგლისური ენიდან. ქართული და ინგლისური ენების ღრმა და საფუძვლიანი ცოდნა მოსე ქარჩავას პირველხარისხოვან მთარგმნელთა რიგებში აყენებდა.  
„ნიანგის“ ფურცლებზე მოსე უმეტესად ქარაშოტის ფსევდონიმით აქვეყნებდა თავის ორიგინალურ ლექსებს, ფელეტონებს, კრიტიკულ წერილებს. როგორც კრესაში გამოქვეყნებული, ასევე „ნიანგის ბიბლიოთეკის“ სერიით კალკე წიგნებზე გამოცემული ხალასი ნიჭით აღბეჭდილი მისი ნაწარმოებები მკითხველთა ფართო პასუხის დიდ მოწონებას იმსახურებდა.  
შესანიშნავი უურნალისტი საქპის ცოდნით, დიდი მონღომბიტოა და სიყვარულით ასრულებდა „ნიანგის“ პასუხისმგებელი მდივნის მოვალეობას.  
რაც უფრო მეტად ვამაყობთ მოსეს პიროვნებითა და შემოქმედებით, მით უფრო მეტი გულისტკივილით განვიცდით მის არყოფნას.  
წავიდა ჩვენგან საყვარელი მოსე ქარჩავა, მაგრამ თავისი სიკეთით სავსე უწმინდესი გული, სპეტაკი სული, ნათელი გონება და შრომისმოყვარეობა ჩვენ დაგვტოვა.

სარედაქციო კოლეგია: ს. კლდიაშვილი, ნ. მაღალაშვილი, გ. ნიშნიანიძე, **მ. ქარჩავა**, ნ. შველიძე, თ. კელიძე.  
საქ. კ. ცენტრალური კომიტეტის გამომცემლობა

თბილისი. სატირისა და იუმორის უურნალი „ნიანგი“. Тбилиси. Сатирико-юмористический журнал „Нианги“. რედაქციის მისამართი: რუსთაველის პრ. № 42. ტელეფონები: რედაქტორის — 9-76-69, საერთო განყოფილების — 3-10-78

ხელმოწ. დასახ. 2/X-1965 წ. ქალ. ზომა 70x108 1/8 0,5 ნაბ. ფურც. 1,37. ფიზიკურ ფორმათა რაოდენობა 0,5, პირობით ფორმათა რაოდენობა 1, ხელნაწერები ავტორებს არ უბრუნდებათ. საქ. კ. ც. გამომცემლობის სტამბა № 1. ლენინის ქ. № 14. შეკვ. № 3269 უფ. 03413 ტირაჟი 4000



ლემის წირა



პარკაბებილი კაცი


ხალხი  
საქართველოში



...მოაბუა ერთი, მოაბუა ორი..



ღული



გულგრილი

